

Na osnovu člana 70. Zakona o javnim nabavkama BiH, člana 17. Pravilnika o javnim nabavkama JU „Dom zdravlja“ Zenica broj: OU-01-59-43326/22 od 28.11.2022. godine, Preporuke Komisije za javnu nabavku, broj: PP-03-78-86524/26 od 21.08.2026. godine sa Zapisnikom o pregledu i ocjeni ponuda – Izvještaj o radu Komisije za javnu nabavku broj: PP-03-152-86508/26 od 21.08.2026. godine, donosi se

O D L U K A

o dodjeli ugovora najuspješnijem ponuđaču za nabavku digitalne vage za bebe i djecu (LOT 4)

1. Nakon ocjene ponuda i preporuke Komisije za nabavku digitalne vage za bebe i djecu (LOT 4), najuspješniji ponuđač je Bawariamed d.o.o. Banja Luka.

2. Sa najuspješnijim ponuđačem zaključit će se ugovor.

3. Izabrani ponuđač je dužan dostaviti dokaze o kvalificiranosti u roku od 7 (sedam) dana od dana prijema ove Odluke.

4. Uz ovu Odluku, ponuđačima koji su učestvovali u postupku javne nabavke, Ugovorni organ će dostaviti i Zapisnik o pregledu i ocjeni ponuda u skladu sa čl. 71. stav (2) Zakona o javnim nabavkama BiH.

O b r a z l o ž e n j e

Predmetni postupak javne nabavke pokrenut je 10.07.2026. godine Odlukom o pokretanju postupka broj: PP-03-125-84934/26. Obavještenje o nabavci broj: 1350-1-1-112-3-153/26 poslato je na objavu dana 20.07.2026. godine i istog dana je objavljeno na portalu javnih nabavki ejn.gov.ba. Predmetna nabavka je objavljena u Službenom glasniku BiH broj: 52/26.

Tendersku dokumentaciju je preuzelo 27 (dvadesetsedam) ponuđača, dok je izmjenu tenderske dokumentacije sačinjeno 06.08.2026. godine preuzelo 9 (devet) ponuđača, o čemu postoji izvještaj na portalu javnih nabavki BiH www.ejn.gov.ba.

U skladu sa članom 25. Zakona o javnim nabavkama BiH, odnosno provođenjem otvorenog postupka sa dodatnom objavom obavještenja na Portalu javnih nabavki za nabavku medicinske opreme - nabavka digitalne vage za bebe i djecu (LOT 4), čija je ukupna procijenjena okvirna vrijednost 50.800,00 KM bez uključenog PDV-a, dok je procijenjena vrijednost za LOT 4 – 1.200,00 KM bez PDV-a, blagovremeno su pristigle ponude i to:

	Broj protokola	Naziv/ime ponuđača	Datum i sat prijema
1.	PP-03-55-86416/26	„Bawariamed“ d.o.o. Banja Luka	17.08.2026. godine u 07:57h
2.	PP-03-55-86495/26	„Derby trade“ d.o.o. Brčko	19.08.2026. godine u 08:43h

U postupku prema Zapisniku o pregledu i ocjeni ponuda-Izvještaj o radu Komisije za javnu nabavku broj: PP-03-152-86508/26 od 21.08.2026. godine, utvrđeno je da je Komisija za javnu nabavku blagovremeno i pravilno izvršila otvaranje i ocjenu ponuda, o čemu je sačinila odgovarajući zapisnik, u kojem je utvrđeno sljedeće:

- da je ukupan broj pristiglih ponuda za LOT 4 - 2 (dvije),
- da su blagovremeno pristigle 2 (dvije) ponude za LOT 4,
- da nema neblagovremeno zaprimljenih ponuda,
- da jedna ponuda nije prihvatljiva.

Komisija je utvrdila i konstatovala da je ponuda ponuđača „Bawariamed“ d.o.o. Banja Luka sa formalno-pravnog aspekta uredna, da su dostavljeni svi traženi elementi tenderske dokumentacije, odnosno svi traženi dokumenti iz tačke 2.8. tenderske dokumentacije te se ponuda smatra prihvatljivom i bila je predmetom ocjene.

Ponuda ponuđača „Derby trade“ d.o.o. Brčko isključuje se iz daljnje ocjene ponuda jer ponuđena cijena prelazi planirana, odnosno osigurana novčana sredstva Ugovornog organa za predmetni LOT.

Prema Odluci JU „Dom zdravlja“ Zenica broj: PP-03-125-84934/26 od 10.07.2026. godine, kojom je pokrenut otvoreni postupak javne nabavke medicinske opreme podijeljene u šest lotova, za LOT 4 utvrđena je procijenjena vrijednost u iznosu od 1.200,00 KM bez PDV-a.

Vrijednost ponude ponuđača „Derby trade“ d.o.o. Brčko za nabavku digitalne vage za bebe i djecu – LOT 4 iznosi 3.192,00 KM bez PDV-a, što je za 1.992,00 KM, odnosno 166%, više od utvrđene procijenjene vrijednosti za predmetni lot.

S obzirom na navedeno, a u skladu sa članom 2. stav (1) tačka 1) podtačka 2) Zakona o javnim nabavkama, Ugovorni organ ponudu ponuđača „Derby trade“ d.o.o. Brčko smatra neprihvatljivom, budući da cijena ponude prelazi planirana, odnosno osigurana novčana sredstva Ugovornog organa za LOT 4.

Potkriteriji dodjele bodova prilikom primjene kriterija ekonomski najpovoljnije ponude su: cijena, rok isporuke i garantni rok.

R.b.	Naziv ponuđača	Cijena (70 bodova)	Rok isporuke (10 bodova)	Garantni rok (20 bodova)
1	BAWARIAMED d.o.o. Banja Luka	(1.190,00 KM) 70,00	(1 dan) 10,00	(12 mjeseci) 20,00

RANG LISTA OCIJENJENIH PONUDA

R.b.	Naziv ponuđača	Ukupno bodova
1	BAWARIAMED d.o.o. Banja Luka	100,00

U postupku ocjene ponuda, Uprava JU „Dom zdravlja“ Zenica nije našla razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za predmetnu nabavku.

U postupku je utvrđeno da je Komisija u svemu pravilno postupila te da je Preporuka o izboru najpovoljnijeg ponuđača data u skladu sa Zakonom, podzakonskim i internim aktima i tenderskom dokumentacijom.

Komisija za javnu nabavku, Upravi JU „Dom zdravlja“ Zenica je dostavila dana 24.08.2026. godine Preporuku o izboru najpovoljnijeg ponuđača broj: PP-03-78-86524/26, zajedno sa Zapisnikom o pregledu i ocjeni ponuda broj: PP-03-152-86508/26 od 21.08.2026. godine, kojima konstatuje da ponuda ponuđača BAWARIAMED d.o.o. Banja Luka u potpunosti ispunjava tražene zahtjeve pa Ugovorni organ dodjeljuje ugovor za nabavku digitalne vage za bebe i djecu (LOT 4):

NAZIV / IME PONUĐAČA:	BAWARIAMED d.o.o. Banja Luka
ADRESA	Jovana Bijelića 19a, Banja Luka
UKUPNA CIJENA PONUDE BEZ PDV-a	1.190,00 KM
PDV 17%	202,30 KM
UKUPNA CIJENA PONUDE SA PDV-om	1.392,30 KM

Imajući u vidu izneseno, odlučeno je kao u dispozitivu ove odluke.

PRAVNA POUKA:

Protiv ove Odluke može se izjaviti žalba Uredu za razmatranje žalbi BiH, putem Ugovornog organa u roku od 10 (deset) dana od dana prijema iste.

Dostavljeno:

1 x Bawariamed d.o.o. Banja Luka
1 x Derby trade d.o.o. Brčko
1 x Komisija za javne nabavke
1 x A/a



Po ovlaštenju direktora,
Pomoćnik direktora za pravne poslove,

Fadil Šehidić, dipl. pravnik
(broj ovlaštenja: OU-01.1-24-65133/26)

10